

ლაგოდეხის მუნიციპალიტეტის საკრებულოს ალიხან ალაზოვის მიერ გაწეული საქმიანობის ანგარიშის ფორმა /2019 წლის 1 ნოემბრიდან 2020 წლის 1 ნოემბრამდე/

საკრებულოს წევრი (თანამდებობის პირი) ალიხან ალაზოვი
თანამდებობის დასახელება

ფრაქციის დასახელება ლაგოდეხის მუნიციპალიტეტის საკრებულოს ფაქცია „ერთიანი ნაციონალური მოძრაობა“

კომისიის დასახელება: არჩევის წესი (მაჟორიტარული ოლქის მითითებით)
პროპორციული

საანგარიშო პერიოდი - 2018 წლის 1 ნოემბრიდან - 2019 წლის 1 ნოემბრამდე.

ანგარიშის ტიპი (რიგითი, რიგგარეშე) რიგითი

I. საანგარიშო პერიოდში განხორციელებული საქმიანობა

1. სულ საკრებულოს სხდომების რაოდენობა 37
საკრებულოს სხდომებზე დასწრება 29

კომისიების მუშაობაში ჩართულობა: სივრცითი-ტერიტორიული დაგეგმარების, ინფრასტრუქტურისა და ბუნებრივი რესურსების;

2. სულ კომისიის სხდომების რაოდენობა 13

დროებითი სამუშაო ჯგუფი: საგზაო ინფრასტრუქტურის კეთილმოწყობა

კომისიის სხდომებზე დასწრება 12

3. სულ ფრაქციის სხდომების რაოდენობა 13
ფრაქციის სხდომებზე დასწრება 13

4. საკრებულოს წევრის მიერ საკრებულოზე დასმული საკითხები:

გიორგეთის საჯარო სკოლაში სოფელ კაბლიდან მოსწავლეთა ტრანსპორტირების თაობაზე;
ვარდუსუბანში მწოლიარე პოლიციელების მოწყობის თაობაზე;
სოციალურ პაკეტში მძიმე საყოფაცხოვრებო პირობებში მცხოვრები ბავშვებისა და მათი ოჯახების დახმარების, ასევე მედიკამენტებით მკურნალობის გათვალისწინების საკითხები;
თვითმმართველობაში არსებული ურთიერთობების /მერისა და მერიის სამსახურების ანგარიშვალდებულების თაობაზე საკრებულოს წინაშე/;

ინიცირებული საკითხებიდან მიღებულ იქნა--0--- დადგენილება,---0- განკარგულება

5. საკრებულოს წევრის მიერ მხარდაჭერილი მნიშვნელოვანი საკითხები:

ლა ის საკითხი, რომელიც გულისხმობდა ლაგოდეხის მუნიციპალიტეტში განსახორციელებელ ფრასტრუქტურულ საკითხებს და წარმოადგენს მოსახლეობის ინტერესებს;

საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდამჭერის პროგრამის ფარგლებში 2020 წელს ლაგოდეხის მუნიციპალიტეტში განსახორციელებელი ღონისძიებების შესახებ;

ლაგოდეხის მუნიციპალიტეტის მოსახლეობის ჯანმრთელობისა და სოციალური დაცვის 2019 წლის პროგრამებისა და მისი ბიუჯეტის დამტკიცების შესახებ“ ლაგოდეხის მუნიციპალიტეტის საკრებულოს 2018 წლის 28 დეკემბრის N79 დადგენილებაში ცვლილებების შეტანის შესახებ;

6. ის საკითხები, რომლებსაც საკრებულოს წევრმა მხარი არ დაუჭირა:

ლაგოდეხის მუნიციპალიტეტის 2020 წლის ბიუჯეტის დამტკიცების შესახებ;

„ლაგოდეხის მუნიციპალიტეტის 2019 წლის ბიუჯეტის დამტკიცების შესახებ“ ლაგოდეხის მუნიციპალიტეტის საკრებულოს 2018 წლის 28 დეკემბრის №78 დადგენილებაში ცვლილების შეტანის თაობაზე;

ლაგოდეხის მუნიციპალიტეტის 2018 წლის ბიუჯეტის შესრულების წლიური ანგარიშის მოსმენის, შეფასებისა და დამტკიცების შესახებ;

„ლაგოდეხის მუნიციპალიტეტის მერიის პოლიტიკურ თანამდებობის პირთა და პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“ ლაგოდეხის მუნიციპალიტეტის 2018 წლის 17 იანვრის №11 დადგენილებაში ცვლილების შეტანის თაობაზე;

ლაგოდეხის მუნიციპალიტეტის 2019-2022 წლების პრიორიტეტების დოკუმენტის დამტკიცების შესახებ;

7. მოქალაქეებთან შეხვედრების რაოდენობა ----400----- და შეხვედრებზე მონაწილე მოქალაქეთა რაოდენობა ----3500-----

8. მოქალაქეებთან შეხვედრისას გამოთქმული ძირითადი საკითხები:

ლაგოდეხში წყლის სისტემის მოუგვარებლობა, გაზიფიცირება ბაისუბნის თემში, გზებისა და შეწყვეტილი სოციალური დახმარებების პრობლემა, მიუსაფარი ცხოველები /ძაღვები, კატები/, თბობის სეზონთან დაკავშირებული პრობლემები, უგზოობა /შიდა სასოფლო გზები/, სასაფლაოებთან მისასვლელი გზები, განადგურებული ქარსაცავების ზოლი/, მეორე ბაგა-ბაღის გახსნის აუცილებლობის საკითხი კაბლის თემში, უწყლოობა სოფელ კაბალში, კაბლის თემიდან გიორგეთის საჯარო სკოლაში მოსწავლეთათვის ტრანსპორტის გამოყოფა; გუჯარეთში სასმელი წყლის ხარისხის ვარგისიანობის საკითხი, კანალიზაციის არარსებობა ქალაქ ლაგოდეხის უმრავლეს ქუჩებში, დაბინძურებული

ინარეები, უმუშევრობა, ახალგაზრდებისათვის გასართობი ცენტრების არარსებობა, მუნიციპალური სოციალური პროგრამების შესახებ ინფორმაციის სიმწირე მუნიციპალიტეტის მოსახლეობისათვის, მძიმე პირობებში მცხოვრები ბავშვებისათვის შესაბამისი დახმარების პროგრამების არარსებობა, წამლების დახმარების პროგრამის შეწყვეტა, დაზიანებული კორექტორი ქ. ლაგოდეხში, ბავშვთა გასართობი ადგილების ნაკლებობა, სპორტული მოედნების და სკვერების სიმცირე, მათი გაუმართავი ინფრასტრუქტურა, ბაღების მძიმე მდგომარეობა /კართუბანი, თელა, კაბალი, ცოდნისკარი, ქ. ლაგოდეხის მესამე ბაგა-ბაღი/, სხვადასხვა სპორტული /ხელოვნების წრეების და საგანმანათლებლო სივრცეების სიმცირე, თანამედროვე ბიბლიოთეკების არარსებობა, საბავშვო ბაგა-ბაღებში ახალი ინვენტარის სიმწირე, განსაკუთრებული საჭიროებების მქონე ადამიანებისათვის შესაბამისი ინფრასტრუქტურის არარსებობა /არაადაპტირებული გარემო, განსაკუთრებული საჭიროებების მქონე ბავშვებისათვის არაადაპტირებული გარემო სკვერებში /საქანელა/, ოჯახში ძალადობის შემთხვევები, ადრეულ ასაკში ქორწინება, მიგრაციის მაღალი დონე, განსაკუთრებული საჭიროებების მქონე ადამიანების დაბალი სოციალური ინტეგრაციის დონე, სოფლის ცენტრებში პენსიონერებისათვის სკამების სიმცირე /პენსიის აღების დროს ამის გამო ძალიან უჭირთ ხანდაზმულებს/, მოუგვარებელი სარწყავი სისტემა, თანამედროვე სასოფლო სამეურნეო ტექნოლოგიების ნაკლებობა, მიწის გამოკვლევის საჭიროება /ლაბორატორიის არარსებობა/, ვაშლოვანის ქუჩის პრობლემა-დაცული ტერიტორიების არეალში არსებული მონაკვეთი მოითხოვს გადაუდებელ ღონისძიებას-ხევის კალაპოტის გაწმენდას, სოფლის სამოვრები, სოფლის მეურნეობისათვის საჭირო სერვისების დაბალი დონე, შემნახავი სამაცივრე ადგილების არარსებობა, სასაფლაოების მდგომარეობა, ცალკეული ნაკვეთები მიტაცებულია ხევების მიერ, ტროტუარების არარსებობა ქალაქში, ცენტრალურ გზატკეცილებზე, გარეგანათების პრობლემა ცალკეულ სოფლებში /მაწიმი/, საგზაო უსაფრთხოების პრობლემა /ნიშნები, ვიდეო-კამერები/, ინტერნეტის არარსებობა სოფლებში /ნაინდროვალი/, სანიაღვრე არხების პრობლემა, კულტურის სახლების, სათემო ცენტრების, საბანკეტო დარბაზების სიმცირე /მოუწყობლობა, საზოგადოებრივი ტუალეტების არარსებობა; სასაფლაოებზე წყლის სისტემის არარსებობა, მუნიციპალური საავადმყოფოს საკითხი, ე. წ. „პოლკოვის ბაღის“ მოწესრიგება; მაგთის ოფისთან მდებარე სკვერის მოწესრიგება ქ. ლაგოდეხში; მოსახლეობის სახლების მდგომარეობა /სახურავები, საერთო ბინებში სადარბაზოების სავალალო მდგომარეობა, მათ შორის ჩაბნელებული სადარბაზოები; სოფლებში, ცენტრალურ გზებზე, მოსაცდელის არარსებობა; შეზღუდული შესაძლებლობი ადამიანებისათვის ეტლების საჭიროება; სასწრაფო დახმარების მანქანების რიცხვის ზრდა, ასევე სასწრაფოში მომსახურე დამატებითი ჯგუფის ჩამოყალიბება; შეწყვეტილი სოციალური დახმარებები; ჯანდაცვის პრობლემები; დასაქმება, ავადმყოფთა /მოხუცთა შინმოვლის საკითხები/; მოსახლეობის გადინება საზღვარგარეთ; გამრიცხველიანების საკითხი; რუსული ზეგავლენის ზრდა სახელმწიფოში; მძიმე საყოფაცხოვრებო პირობებში მცხოვრები ბავშვების საყოფაცხოვრებო მდგომარეობის გამოსწორების შესახებ; სტიქიით მიყენებული ზარალის ანაზღაურება თუ სხვა; მწოლიარე პოლიციელების მოწყობის საკითხები;

9. მოქალაქეთა პრობლემებზე საკრებულოს წევრის რეაგირების ფორმები (მათ შორის დადებითად გადაწყვეტილი კონკრეტული საკითხები)

საკრებულოს ფრაქცია „ერთიანი ნაციონალური მოძრაობის“ განცხადება ნინიგორის ცენტრალური ქუჩისათვის, შმაგი ნოზამის სახელის მინიჭების თაობაზე, საკრებულოს გადაწყვეტილების შესრულებასთან დაკავშირებით;

ნიშნული განცხადებით მივმართეთ საკრებულოს სდომას 2019 წლის 2 აგვისტოს ;

1. საკრებულოს წევრის მიერ საანგარიშო პერიოდში განხორციელებული სხვა საქმიანობა:

შექმნილი გვაქვს ლაგოდეხის მუნიციპალიტეტის პრობლემათა რუქა;
აქტიურად ვთანამშრომლობთ მოქალაქეებთან სხვადასხვა პრობლემების გამოსავლენად;
გვაქვს სოციალური ქსელების მეშვეობითაც კონტაქტები მოსახლეობასთან, მათ მიერ დასმულ შეკითხვებს ვპასუხობთ და შესაძლებლობის მიხედვით ვეხმარებით მათ პრობლემების გადასაჭრელად;

ლაგოდეხის მუნიციპალიტეტის მოსახლეობისათვის აქტუალური საკითხების მხარდაჭერის აქციებში მონაწილეობის მიღება /წყლის სარეაბილიტაციო საქმიანობებთან, წყლის ხარისხთან დაკავშირებით/;

საქართველოში, საქართველოს პარლამენტში, გავრილოვის „ვიზიტთან“ და რუსულ ოკუპაციასთან დაკავშირებით /მათ შორის 2019 წლის 20 ივნისის ღამეს/ საპროტესტო აქციებსა და დემონსტრაციებში მონაწილეობის მიღება;

სოციალურ ქსელებში ლაგოდეხელი ბავშვებისა და უფროსების, ასევე მათი ოჯახების მდგომარეობის თაობაზე ინფორმაციების განთავსება მათი პრობლემების მოგვარების მიზნით;

კაბალში, ვარდისუბანში, მშვიდობიანსა და საქობოში სტიქიის შედეგად საკარმიდამო ტერიტორიების დატბორვასთან დაკავშირებული პრობლემების აღმოფხვრასთან დაკავშირებით სხვადასხვა სახის აქტივობები;

შევსებისთარიღი 2020 წელს 27 ოქტომბერი

წარდგენისთარიღი 2020 წელს 28 ოქტომბერი

ხელისმოწერა *[Handwritten Signature]*